

Bosna i Hercegovina
Federacija BiH
Kanton Sarajevo
Skupština Kantona Sarajevo
n/r g. Mirza Čelik, Predsjedavajući Skupštine KS
n/r g. Rusmir Mesihović, Ministar zdravlja KS
n/r g. Ismir Jusko, Ministar unutrašnjih poslova KS
n/r Skupština Kantona Sarajevo
n/r Vlada Kantona Sarajevo

ZASTUPNIČKO PITANJE

24. Radna sjednica Skupštine Kantona Sarajevo

- 1. Da li ste upoznati s tim da je u Avazu šef pravne službe testiran pozitivan na koronavirus, te da je, po navodima kako uposlenika, tako i ljekara, neko vrijeme bio u kontaktu sa cijelom redakcijom ne prijavivši nikom od uposlenih da je pozitivan?**
- 2. Da li ste upoznati s tim da su uposlenici zvali sve preporučene brojeve da prijave njegovo neodgovorno ponašanje, pa čak i policiju koja im rekla da im je najbolje da se obrate novinarima!!?**
- 3. Da li ste upoznati s tim da je pet dana nakon njega testiran pozitivan i direktor?**
- 4. Da li su poduzete sve mjere da se zgrada zatvori, dezinficira i da se svi radnici koji vjeruju da su došli u kontakt sa zaraženim testiraju na koronavirus?**

Obrazloženje:

Kontaktiran sam od strane uposlenika koji tvrde da su u strahu da javno progovore o ovom. Kao građanski zastupnik u Skupštini Kantona Sarajevo dužan sam reagovati, izvijestiti Skupštinu i Vladu Kantona i tražiti odgovore i odgovorne zastupajući ne samo ljudska, građanska i radnička prava, već i zdravstvenu sigurnost svojih sugrađana u vrijeme epidemije smrtonosnog virusa i stanja prirodne nesreće. S obzirom da u redakciji, kako sam informisan, i dalje radi tridesetak radnica i radnika kojima nije omogućen rad od kuće i koji moraju dolaziti na posao u neizvjesnosti, tj. neznanju da li su zaraženi ili ne, mislim da ih je, u najmanju ruku, potrebno hitno testirati.

Ovakvo (ne)funkcionisanje sistema zaslužuje da se oštrim kritikama koje dolaze od javnosti pridružimo i mi zastupnici, jer je naprosto sramotno i nedopustivo da se ovako nešto dešava uposlenicima bilo kojeg preduzeća ili institucije, javne ili privatne: da ih se nakon slučaja kompanije Igman i dalje na isti i nekažnjen način dovodi u životnu opasnost od strane nadređenih. Iz ovog slučaja se vidi da je prijeko potrebno instruirati policiju da adekvatno reaguje, a potrebno je informisati/podsjetiti imenovane dužnosnike izvršne vlasti na svim nivoima (kao i njihove privatne advokate), da ni na koji način, pa ni javnim prijetnjama sudskim tužbama, ne bi smjeli intimidirati i ometati izabrane skupštinske zastupnike/parlamentarce bilo kojeg nivoa zakonodavne vlasti u obavljanju njihovog posla i ispunjavanju građanskih i zastupničkih dužnosti među kojima je i informisanje, kako javnosti, tako i imenovanih dužnosnika izvršne vlasti o situaciji na terenu u trenucima prirodne nesreće. Tome ne bi smjelo biti mjesta u parlamentarnoj demokratiji.

Sarajevo, 23.04.2020. godine

SAMOSTALNI ZASTUPNIK

Damir Nikšić